



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 48. Joannis Poggii Cardinalis obitus.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

jamjam Zwinglii secta infectam venit, ubi Sleidanus eodem hæresis veneno imbutus Sturmium amicum suum reperit, qui eidem non modo in elucubrandâ sua historia egregiam navabat operam, sed etiam pingue stipendium procurabat. Injungebatur eidem Anno Christi millesimo quingentesimo quadragésimo quinto a Protestantibus legatio ad Angliæ Regem, pariterque ad Synodum Tridentinam decernebatur, ut alibi meminimus. Præterea magnum quidem sibi nomen apud suos comparabat, cum autem Zwinglii hæresin non nisi Argentinensibus complacendi studio profiteretur, hinc ad eorum exemplum eadem facilitate Lutheri sectam, cui etiam immortalis est, amplectebatur. Præter suos commentarios latine reddidit Claudii Seyffelii Historiam *de Gallorum Republica, ac Regum obligationibus*, nec minus in compendium rediguit, atque in latinum sermonem transtulit Froissarti Historiam, & Platonis librum de Republica, & legibus. Denique posteris reliquit aliud opusculum de quatuor Monarchiis scilicet Babylonica, Persica, Græca, & Romana.

§. XLVIII,

*Joannis Poggii Cardinalis obitus.*

E e 5

Hoc

Sæcul. XVI.  
A. C. 1556.

*Ciacon. in  
vit. Pont.  
tom. 3. p. 778.  
Aubery vie  
des Cardi-  
naux Andr.  
Vitt. in ad-  
dit Ciacon.  
Ferd. Ughel.  
in Ital.  
Sacra*

Hoc anno Sedes Apostolica quatuor Cardinalium mortem deplorabat, quos inter primus erat Joannes Poggius Bononiæ in Italia ex Christophoro secreto Joannis Bentivolii Ministro, & Francisca patria Mantuana, Mense Januarii Anno Domini millesimo quadringentesimo nonagesimo tertio natus. Is parentum suafu ætate minus adulta jamjam connubio sese devinxerat, mortua autem conjuge sua, ex qua filios susceperat, sacræ militiæ nomen dedit, Romamque delatus primo Protonotarius, ac Thesaurarius Apostolicus fuit renuntiatus: postea vero a Paulo III. Pontifice tanquam Sacræ Sedis Nuntius in Hispaniam ad Carolum V. Cæsarem ablegabatur, ubi etiam non sine ingenti nominis sui fama per plures annos commoratus est, & demum circa Annum reparatæ Salutis millesimum quingentesimum quadagesimum quartum, ex Hispania in Germaniam profectus Bonnam prope Coloniam pervenit, ut Lutheri sectam in hanc urbem invehi præpediret; verum paulo post a Julio III. rursus in Hispaniam decretus ob egregia Religioni Catholicæ præstita obsequia Tropiensi Episcopatu, atque ad preces Caroli V. qui Virum plurimi habebat, purpura Anno Salvatoris nostri millesimo quingentesimo quinqua-

quagesimo obtento titulo S. Anastasiæ Sæc. XVI.  
A.C. 1556.  
honoratus est. Porro cum in Italiam  
a Papa rubrum galerum recepturus re-  
diret, Bononiæ in patria sua substitit,  
ibidemque magnificum exstruxit Pala-  
tium, suisque impensis in Ordinis Ere-  
mitarum S. Augustini templo Sacellum  
sub S. Joannis Baptistæ invocatione eri-  
gendum curavit, ubi etiam duodecima  
Februarii die Anno post Christum natum  
millesimo quingentesimo quinquagesimo  
sexto Bononiæ mortuus, & sub primo  
Pontificatus Pauli IV. Anno sepultus est.

## §. XLIX.

*Cardinalis Borbonii Mors.*

Alter ex illis, qui hoc anno objere, Ciacon. t. c.  
p. 386. San-  
Marth. hist.  
Geneal. de  
la Maison de  
France.  
erat Ludovicus Borbonius, natio-  
ne Gallus, & regio sanguine ortus;  
tertius enim, vel quartus erat filius  
Francisci Vindocinensis ultimi Comitum,  
qui Carolum VIII. in expeditione Nea-  
politana comitatus post Farnovanum  
prælium Vercellis decesserat. Matrem  
is habebat Mariam Lucemburgicam  
S. Pauli Comitissam, quæ dicta est *Ma-  
ter pauperum, & Religiosorum*, perman-  
sitque Vidua per annos quinquaginta,  
& unum. Ceterum Ludovicus die se-  
cunda Januarii Anno Incarnationis Do-  
minicæ millesimo quadringentesimo  
nonagesimo tertio Hami Picardiæ urbe  
pri-